

目錄表 4/7

~~77025~~

40310.71

4111

1125



續修馬龍縣志

卷三

續修馬龍縣志序

民國四年乙卯秋八月 余奉

纂

令守是邦下車後徵求縣志不獲詢諸縣人士始知
遺亡於道咸間回逆兵燹方議修纂適袁氏帝制發
生我滇倡義擁護共和組織護國軍北伐縣屬地當
衝要戎馬倉皇 余奉

都督唐公令兼任中路第一兵站事縣士紳亦多與
焉修志之議遂寢五年六月袁氏以憂卒
黎公元洪依法承繼大總統職任約法復國會開共
和居然復生我滇目的既達乃罷兵 余亦得卸戎事

續修馬龍縣志

序

一

旋與士紳謀進行四處搜求舊志忽於李氏婦室中
得殘編四冊蓋前清康熙時州牧許公日藻手編也
雖文字間有缺失而往事信而有徵亦猶古書經秦
火後出自婦女之遺意也乃於是歲年假期內設局
編纂集城鄉諸士紳分任其事其康熙以前者照錄
舊本以後者則采滇通志或博訪老成之遺聞近數
十年事則有邑故舊之親聞親見此又不待外求也
諸士紳亦欣然從日夕研究不遑甫月餘而稿脫余
嘗就公暇時挑燈握管爲之修飾俾得早竟其功庶
一邑之文獻不廢而覽古者亦得有所考藉焉是志

也續修於二百餘年以後復編輯於最短促之時期
其間之記載或因湮沒而無考或因搜羅而未周容
有不詳不備之處時勢然也至於補缺略加潤色以
集是志之大成則以俟後之君子
時共和再造之

民國六年歲次第一丁巳春三月

穀旦

合川王懋昭謹識

續修馬龍縣志

序

二

馬龍州志序

國有史郡縣有志其來尚矣劉勰曰史者使也使
之記言與動也虞典曰書用識哉則志者識也識
之使可考而知也由是觀之史與志其名雖殊其
用一也漢常璩之作南滇志也侏儻之俗里閭之
行擴撫不遺餘力然其時聲教阻絕而璩之搦筆
綴事猶縷縷若此况我

聖朝皇風蕩滌遐暢旁流比戶可封之時哉又况風
土之宜民物之萃今古興革之殊文獻傳聞之異
下逮庶事郡各不同已往者宜闡其幽未來者宜

續修馬龍縣志

序

三

標其盛非夫方言雜說無關於得失之林也郡志
之作蓋可忽乎哉往歲丁丑日藻藻陞承

莊

帝命來莊龍州下車時首詢郡志莫於敷政有資或
曰荒僻未有作者也或曰歲淹而散軼無存也日
藻於時畢然而高望曰茲郡雖褊瘠儻得於退食

黻 徽龍

之暇搜遺編剔殘碣削範裁體輯成錦罽庶幾黻
黻皇猷之忱寧非盛事未幾而天戈西指江杭大
兵降自滇徽適龍當道之衝日藻鞅掌於營壘薪
芻者匪朝伊夕旋復奉調餽糧供職疆圉及瓜始
代當是之時奔走途路之中淹忽歲月之久百務

全集遑問其他越壬寅秋郡頗無事日藻稍得息

偃適

列憲如意風教淳樸修志於是士紳之耆宿者時則有若杜子兆鵬杜子詮及趙生璧焰杜生錦三數人者詢謀僉同乃伐棗栗召梓人筮吉開局以中秋前二日始緬惟龍郡在漢為興古地李唐以降盤瓠裔世居乎此其蒙號馬龍昉自有元也上下千百年間詎無軼事可考日藻昔諮志籍而不可得今乃於退食之暇與二三耆宿搜遺編剔殘碣削範裁體雖未敢語於黼黻皇猷之盛而使前有

續修馬龍縣志

序

四

所傳後有所式凡我父老子弟見所見聞所聞誠勝事也亦一快事也然吾聞之作史者自左氏而下各有譏焉故叔皮譏遷公理刺固以及袁張之偏駁薛謝之疎謬至今可考作志之難無乃與史同科乎然而史包六合志舉一隅史綜帝載志表民風且揚善隱惡更與史殊立綱剔目端有定軌踵而輯之似亦非難日藻爰與杜子趙生考訪之下又得杜子所藏明嘉靖間舊志一卷及前紳士志草數頁旁羅羣籍參互考訂定為十卷其餘因類附之期於切覈勿使躑躅落始於康熙六十一年

竣於雍正元年書既成日藻披閱之下觴同志二三子而言曰前明雖有志而條例簡晦難輝琬琰今之緗帙陸離是創有也是

列憲諄檄修輯之賜也縱未敢此於黼黻之威亦庶幾常璠南中志之意乎二三子皆忭躍稱快日藻

末

乃召管城羅文綜其巔末而為之序時

大清雍正元年歲次癸卯季春月穀旦雲南曲靖府馬龍州知州加一級許日藻撰

續修馬龍縣志目錄

卷首

縣境全圖

縣城全圖

卷之一

天文

星野

氣候

災祥

卷之二

沿革

沿革史畧

建置表

卷之三

續修馬龍縣志

目錄

一

地理

疆域

形勢

山川

險要

旅途

景致

鄉屯

風俗

附種人

物產

食貨

市肆

卷之四

建設

官署

城池

倉庫

養濟院

驛

堡

舖

關哨

橋梁

塘壩

古蹟

坊表

冢墓

樓

亭

寺觀

卷之五

賦稅

鄉里

戶口 附表

田賦

催科

課程

經費

卷之六

官師

官制

秩官

名宦

卷之七

學校

建學事考

廟儀

祭儀

臥碑

續修馬龍縣志

目錄

二

御製訓士文

義學

學田

選舉

卷之八

典禮

祀典

祀壇

禮儀

羣祀

慶賀

賓興

卷之九

人物

鄉賢

忠烈

孝義

烈女

文行

隱居

義行

封廕

鄉賓

耆年

卷之十


藝文

記

序

文

詩



增修萬龍齋志

目錄

三

續修縣志姓氏錄

總纂

署馬龍縣知事王懋昭 字德元 蜀合川縣籍由四川法政畢業第三屆考取知事分發雲南

分纂

馬龍縣高初兩校校長金有庚 字星垣 清廩生

馬龍縣高等教員李崇貴 字箴賢 清廩生

馬龍縣前清丁酉科拔貢楊立中 字柱卿

馬龍縣實業員員長兼總團楊家盛 字熙瑞 清廩生

馬龍縣省議會議員楊極中 字星南 清廩生

馬龍縣實業員李德彰 字育才 清廩生

續修馬龍縣志 姓氏錄

一

馬龍縣初等小學教員張學淵 字靜軒 清廩生

參考

馬龍縣初等小學教員汪映陽 字泰階 清廩生

馬龍縣主計科科員朱鳳章 字子衡 中學校畢業

馬龍縣初等小學教員戴占鰲 字少字 中學校畢業

馬龍縣縣視學王維經 字仁方 清增生

討論

馬龍縣清增生金呈鳳 字儀廷

馬龍縣前清地方議會參事員金聲重 字厚安 清增生

馬龍縣前清地方議會議長王鳳書 字溶洲 清廩生

馬龍縣實業員柳徵名 字鏡吾 中學校畢業

檢閱

馬龍縣東南區分團邱樹聲 字振甫 清增生

馬龍縣北區保董徐連祥 字雲瑞 清庠生

採訪

馬龍縣警察巡長張縉紳 字子笏 陸軍中尉

馬龍縣北區分團汪映崙 字甫臣 清增生

馬龍縣初等小學教員汪毓英 字俊卿 清庠生

馬龍縣中區分團范似蘭 字香茵 清庠生

馬龍縣中區保董楊家祥 字元吉

續修馬龍縣志

姓氏錄

校字

馬龍縣清貢生李謙 字益三

馬龍縣清增生楊天申 字福齋

續修馬龍縣志卷之一

署馬龍縣知事台川王懋昭纂輯

天文 星野 災祥 氣候

星禽珠絡於天成文不亂宛如王子逸之形離而神合者然此龍虎鳥蛇所由分也昔人以宿度之廣狹揆疆域之遠近仰觀俯察以究災祥而星野之說於是乎傳滇合益州隅置西南觜參井鬼棼如聚訟狀考**熒惑**八井鬼而普賊亂熒惑守輿鬼薄積尸氣而吳逆亾天人之應如此則滇不屬井鬼將奚屬哉今於星野獨載井鬼以明定分觜參二宿亦不采入至續修馬龍縣志 卷一天文 星野 一

於氣候為授時之徵災祥亦天教之寓為類附之庶幾奉若天道之意云

星野

秦分雍州鶉首之次厥惟井鬼周合梁於雍滇屬梁州漢武開西南彝置益州滇又為益州考宋元明歷書逮

國朝分度曲靖府入井二十一度馬龍舊為興古地今為屬州當井二十一度間

井宿昏旦攷 鬼同

六月 旦在卯

七月 旦在辰

八月 旦在巳
十月 旦在未
十二月 旦在酉
十二月 昏在辰
二月 昏在午
四月 昏在申

九 月 旦在午
十一 月 旦在申
十一 月 昏在卯
正 月 昏在巳
三 月 昏在未
五 月 昏在酉

續修馬龍縣志

卷一 天文 星野

井宿步天歌

八星近列河中靜一星名鉞井邊安兩河各三南北
正天鐔三星井上頭鐔上橫列五諸侯候上北河西
積水欲覓積薪東畔是鉞下四星名水府水府東邊
四星序四瀆橫列南河裏南河下頭是軍市軍市圍
圓十三星中有一箇野鷄精孫子文人市下列各立
兩星從東說關丘兩箇南河東丘下一狼光蒙茸左
畔九箇彎弧弓一矢擬射頗狼臂有箇老人南極中
春秋出八壽無窮

鬼宿步天歌

續修馬龍縣志 卷一天文 星野 三

四星冊方似木櫃中央白者積尸氣鬼上四星是燿
星天狗七星鬼下是外廚六星柳下次天社六箇弧
東倚社東一星是天記

天原發微曰南方朱雀七宿以井為鶉首鬼為目柳
為喙星為頸張為喙翼為翻軫為尾自井十度至柳
三度居末位鶉首之次而井鬼二宿西近於參東近
於柳井宿乃天之亭候主水衡之事此星明則王政
平五星聚東井則賢人出如熒惑犯之則其地旱
張衡曰東井八星天之南門也
天原發微曰鬼宿乃天之目主明察謀視之事中一

星為積尸主素服遇申年則歲星在焉歲星所在人不能伐之伐之者失利又主祠祭張衡曰輿鬼四星形如木櫃中有白氣乃積尸氣也

州郡躔次

史

滇屬紫參自史遷天官書始諸志皆識其誣今考班固皇甫謐費直蔡邕唐浮屠一行宋太史何承天元太史郭守敬明誠意伯劉基及

高

國朝歷書皆云秦地東井輿鬼分野其西南有祥刑越雋益州爰列各郡所入躔次如左

續修馬龍縣志 卷一天文 星野 四

曲靖	雲南	澂江	廣西	順寧	景東	麗江	鶴慶	石屏	入井一	貴州	入井二十八
入井二十一	入井二十三	入井二十五	入井二十七	入井二十九	入井三十一	入井三十三	入井三十五	入井三十七	入井三十九	入井四十一	入井四十三
臨安	元江	楚雄	武定	大理	永昌	北	貴州	入井二十	入井二十二	入井二十四	入井二十六
入井二十二	入井二十四	入井二十六	入井二十八	入井三十	入井三十二	入井三十四	入井三十六	入井三十八	入井四十	入井四十二	入井四十四

星野考辨

杜兆鵬

或曰滇於星野果且有定宿乎曰南宮朱鳥之首玉川子所謂頭戴井冠高遠枿者是也曰自昔紫參井鬼羣言如沸今獨以橫漢入看為據果何所枿衷而徵之為信以垂不刊乎曰史遷載紫參益州此滇

屬觜參之說之所由昉也班固地理志曰秦地東井
輿鬼之分地盡西南祥牝越雋益州此又滇屬井鬼
之說之所由定也之二說者是非不容兩立而李中
谿楊弘山兩存其說分迤西爲觜參迤東爲井鬼豈
知秦蜀已云井鬼而迤西之獨越秦蜀而屬觜參凌
次孰甚焉新通志上揆北辰下度崑崙又以南河北
河兩戒求之謂秦在西北則黃道所經之井即秦分
野蜀在秦西南則近參之井即蜀分野滇又在蜀南
則近鬼之井即滇分野此論最精羣喙皆可息矣曰
滇屬近鬼之井固已確有所據矣而說者猶以爲非

續修馬龍縣志

卷一天文

星野

五

井即鬼柰何混于井鬼之間其詳可得聞乎曰所謂
近鬼之井非入鬼度也謂井止入星仰而窺之咫尺
間耳而秦蜀滇三省之地麗之安得不各有其次乎
故黃道所經已屬之秦而由井而西則參也除參度
外其與參近者不得謂非井也是蜀分野也由井而
東則鬼也除鬼度外其與鬼近者不得謂非井也是
滇分野也彼其揆星體衡地勢三而分之古所未及
也則滇屬井之東分豈得以近鬼而遂謂之鬼並以
井鬼之間病之乎曰歲差之異何如曰歲差可以論
十二辰位分而不可以定星野何也天行_三健每歲

至

猖獗

有差故十二辰所值方位千古懸殊而星野所屬百世不改若以歲差言之如陳耕山所訂則東西倒置南北逕庭分野之傳殆將廢矣尚得以方州求列星以列星察麻祥乎且夫昔人之著分野也所以便考麻祥耳當吳逆之初人有問先伯祖燦廷公者曰吳勢猖獗成敗可預卜乎先伯祖曰彼狂豨奔突耳若過黃河可截吾首及吳逆之敗果驗其言夫以數年之前占數年之後應若桴鼓豈無見而云狀乎先伯祖高蹈林泉於書後無所不讀尤精象緯凡風雲所占必獲奇中其教人所以占滇者皆決之於井後有續修馬龍縣志 卷一 天文 氣候 六

甘石殆無以易此云

氣候

通志曰曲靖府厥土曠平微塞少熱春夏風高秋冬霜密華葩長妍穀宜晚稻

楚辭天問云何所冬煖何所夏寒固知天地陰陽之變化其不齊也如此又考山海經神異經風土記歲時記諸書所載土候迥殊又難更僕數矣滇中四序冲和無大寒暑狀曲靖較之各部郡已覺微寒而馬龍遠近四十里間較之府屬其寒又有加焉蓋水土瘠駁而氣候清涼故物產所生亦少所

迴山

馬蓋水土瘠駁而氣候清涼故物產所生亦少所